

# INUIT ATAQATIGIIT INATSISARTUNI



UKA2021/019

06. oktober 2021

Hans Aronsen

**Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi, Inatsisartut inatsisaanni nr. 24, 28. november 2018-imeersunut allannguutissatut siunnersuut.**

## **(Aningaasaqarnermut Nunamullu Namminermut Naalackersuisoq)**

Kommunit Namminersorlutillu Oqartussat missingersuutaasa naatsorsuutaasalu naalackersuinikkut suleriaatsinut ineriartortunut naleqqussarlugit Naalackersuisut Inatsisissatunut siunnersuuteqarnermini tunngavilersuutaat Inuit Ataqatigiinniit matumani isumaqatigaarput.

2018-mi inatsisartut inatsimmik akuerisaanniik naqqiilluni aaqiisoqalera paasilluarparput. Kommunit Naaminersorlutillu oqartussat akornanni suleqatigiinneq pitsanngoriartortillugu inatsisitigut maani inersuarmi naleqqussaajuartarnissaq siunissami pisariaqartuassammat.

Ulluni makkunani Namminersorlutik oqartussat kommunillu akornanni oqaloqatigiinnikkut suleqatigiilluartoqarnera malunnarluarpoq. Mannalu suliarput oqaloqatigiittarnerit aallartilluartut kingunerilingaasa ilagingaat malunnarpoq. Taamaalilluni siusinnerusukkut Namminersorlutik Oqartussat kommunillu akornanni suleqatigiinniarnikkut inatsisitigut aporfiusartut qaangerneqarsinnaalissallutik.

Naalackersuisullu matumuuna nersualaaqqittariaqarput, kommunit tallimaasut naligiisillugit suleqateqarnerisa saniatigut suleqatigiinnermikkut aporfiusunik annikilisaalluarmata.

# INUIT ATAQATIGIIT INATSIARTUNI



Inatsisikkummi iluarsiissutaasut kingunerissavaat kommunit  
missigersuusiortarnerannut ineriartortunut akisussaaffinnillu tingusiartuartunut  
illuatungaanilu naalackersuinikkut kommunenut tunniussiartuaarnermi  
inatsisikkut periarfissaqalerneq.

Taamatut oqaaseqarluta Aningaasaqarnermut ataatsimiititaliamut  
ingerlateqqipparput.